



**Bosnia and Herzegovina**  
**STATISTICAL COUNCIL OF**  
**BOSNIA AND HERZEGOVINA**

---

Broj: /07  
Datum: 03.12.2007 godine

## **Z A P I S N I K**

11. sjednice Vijeća za statistiku BiH, održane 03.12.2007 godine godine u prostorijama Agencije za statistiku BiH, s početkom u 11,30 sati.

Sjednici su bili prisutni članovi Vijeća za statistiku BiH (u daljem tekstu: Vijeće):

- prof. dr. Arif Smajkić, predsjedavajući Vijeća - rukovodilac Sektora javnog zdravstva Ministarstva civilnih poslova BiH
- Milorad Janković, zamjenik predsjedavajućeg Vijeća
- Zdenko Milinović, direktor Agencije za statistiku BiH
- gđa Ljerka Marić, Ministarstvo za finansije i trezor BiH.
- gđa Slavka Popović, zamjenik direktora Agencije za statistiku BiH
- gđa Maida Hasanbegović, zamjenik direktora Agencije za statistiku BiH
- Derviš Đurđević, direktor Federalnog zavoda za statistiku
- Slavko Šobot, direktor Republičkog zavoda za statistiku RS
- Amir Hadžiomerađić, Centralna banka Bosne i Hercegovine

Odsutni članovi Vijeća: prof dr. Mirko Puljić - redovni profesor na Ekonomskom fakultetu u Sarajevu.

Sjednici je još bio prisutan Fatić Fadil, sekretar Vijeća - stručni savjetnik za pravne poslove Agencije za statistiku BiH.

Sjednicu je otvorio predsjedavajući Vijeća prof.dr. Arif Smajkić. Nakon toga konstovano je da postoji kvorum za rad Vijeća i predložen slijedeći

### **Dnevni red x**

1. Usvajanje Zapisnika za prethodne sjednice Vijeća za statistiku BiH
2. Nacrt plana rada Agencije za statistiku BiH za 2008. godinu (Godišnji program realizacije aktivnosti planiranih u statističkom programu Bosne i Hercegovine za period 2005-2008).
3. Informacija o nacrtu nove unutrašnje organizacije Agencije za statistiku BiH
4. Razno

Predloženi dnevni red jednoglasno je prihvaćen.

**Vijeća za statistiku BiH je donijelo slijedeće zaključke i mišljenja:**

### **Ad 1.**

Usvajen je Zapisnik sa 10 sjednice Vijeća za statistiku, sa primjedbom da se u tački 2 zapisnika izvrši ispravka na način da se konstatuje da član Vijeća Slavko Šobot nije bio protiv prijedlog osnivanja Odbora proizvođača zvanične statistike (prijedlog eksperta CARDS Twinning Projecta gđe. Magdalene Zebre,

odnosno da je predložio drugi način formiranja ovog tijela (što je detaljno izloženo u dostavljenom materijalu). Također dogovoreno je da se prijedlog Slavka Šobota razmatra na jednoj od narednih sjednica Vijeća, ali da zaključak donesen na 10 sjednici Vijeća o prijedlogu Magdalene Zebra za formiranja jednog Odbora proizvođača zvanične statistike na nivou BiH i entiteta ostaje nepromjenjen.

## **Ad 2.**

**Prihvaćen je Prijedlog plana rada za 2008 godinu (godišnji program realizacije aktivnosti planiranih u statističkom programu Bosne i Hercegovine za period 2005-2008) Agencije za statistiku Bosne i Hercegovine i daje preporuka da se isti uputi nadležnim organima Bosne i Hercegovine na mišljenje i konačno usvajanje.**

## **Ad 3**

Zdenko Milinović je prisutne izvjestio o aktivnostima i nacrtu nove unutrašnje organizacije Agencije za statistiku BiH. Napomenuo je da postojeća unutrašnja organizacija ne može zadovoljiti potrebe Agencije i da se nova unutrašnja organizacija i sistematizacija, odnosno novi Pravilnik radi u skladu sa prijedlogom Magdalene Zebre eksperta CARDS Twinning Projecta u cilju realizacije CARDS Twinning Projekta, Komponente Jačanje institucionalnih kapaciteta, procjenjenih potreba i aktivnosti 5.4.1 i aktivnosti 5.3.3. Istakao je da je i EUROSSTAT dao pozitivno mišljenje na novi Nacrt organizacione šeme Agencije.

**U vezi ove tačke dogovoreno je da se prije zakazivanja naredne sjednice Vijeća svim članovima Vijeća (na znanje) dostavi Nacrt nove unutrašnje organizacije i sistematizacije Agencije za statistiku BiH.**

## **Ad 4**

1. Zdenko Milinović je prisutne izvjestio da je dr. Mirko Puljić podnio zahtjev za razriješenje funkcije člana Vijeća.

**U vezi ove tačke dogovoreno je Agencija za statistiku pokrene inicijativu za izmjenu i dopunu Odluke Vijeća ministara o imenovanju novog člana Vijeća u skladu sa Zakonom o statistici BiH.**

2. Dreviš Đurđević je zahtjevao da se dostavi Izvještaj o radu institucija BiH, koji je upućen u Brisel, a u kojem je kako navodi utvrđeno da Agencija za statistiku nema saradnju sa entitetskim zavodima.

**U vezi ove tačke dogovoreno je da Agencija dostavi entitetskim zavodima Izvještaj o radu institucija BiH, koji je upućen u Brisel.**

3. Na prijedlog Slavka Šobota, Vijeće je donijelo zaključak da direktori statističkih institucija do naredne sjednice Vijeća, dostave (presjedavajućem Vijeća Arifu Smajkiću) prijedlog aktivnosti za izradu Plana rada Vijeća za statistiku za 2008 godinu.

Sjednica je završena u 14,00 sati

Zapisnik sastavio:

Fatić Fadil,

Stručni savjetnik za pravne i kad. poslove

Ovjerava:  
Predsjedavajući Vijeća za statistiku

prof.dr. Arif Smajkić